



Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

2. Fuga Temeritatis. Vt Sapientis Architecti, ita studiosi Virtutum est, haud
temerè Opus arduum aggredi

[urn:nbn:de:hbz:466:1-46065](#)

excidit columnas septem. Dicamus nos per concrерum, Vir sapiens, seu Sapientiae Amator & Cultor Domum extruit, ac peristylio septem columnarum cinxit, ornavitque. Quod utrum ad virtutum septem capitalium, aut totidem scientiarum vel Artium liberalium propylaeum referendum sit, suo loco video, cum ea de re instituetur dissertatio: hic sat habeam adnotasse Sapientem ædificare, id est, esse Architectum, ex officii proprii cum Architecti munere convenientiam.

ARTICVLVS II.

FUGA TEMERITATIS.

Ut Sapientis Architecti, ita virtutum Studiosi est, haud temere opus arduum aggredi.

PRIMUM quod in Sapientiae virtutumque cultore optatur, est, ut à temeritate eligendi sit alienus, nihil nisi maturâ deliberatione, & præparatione debitâ præmissâ incepteret, nihil temere leviterque aggrediatur, cautè ac providè, quæ opus, quod sibi proponit, remorari possent aut impedire, præmeditetur, & expendat singula. Quod cùm Christus Dominus commendatum vellit, monuit auditores suos, ut imitantur Architectos, & sint revera tales. Sed duplex est eorum genus, unum fatuum, alterum sapiens. Iners & fatuus Architectus, volens eligere fabricam, formata confusa in cerebro ideâ, ac si tam facile res fieret, quam fingitur; postquam vidit lapidum aliquem cumulum, opus inchoare non dubitat: conductit operas, præscribit agendi modum, neque amplius de necessariis ad erigendam non exiguum molem cogitat, omnia ex vnâ lapidum congerie educi posse sibi persuadere videtur: hinc jacto fundamento, & in spithamæ altitudinem erecto parietes, deficiēte materiâ ac pecunia desistere cogitur. Sapiens

ens verò, antequam manum admoveat, impendiorum sumptuumq; tabulas conficit, considerat attente quid præstare possit, vnde, quod non potest ipse, accipere valeat; vires facultatesque suas metitur; nec altius domum, quam marsupium patiatur, erigere proponit: sicque feliciter, quod destinaverat, ad exitum tandem perducit.

TALEM debere esse Architectum, Sapientiæ cultorem, cælestis magister Christus accommodata ad rem parabolæ docuit, sic disserens: Lucæ xiv. Si quis venit ad me, & non odit patrem suum, & matrem & uxorem, & filios, & fratres, & sorores, adhuc autem & animam suam, non potest meus esse discipulus. Qui enim ex vobis volens Turrim ædificare, non prius sedens computat sumptus, qui necessarii sunt ad perficiendum: seu, ut est in Græco τὰ πρὸς ἀκαγγιτικὸν omnia, quæ ad perfectionem, seu consummationem, scilicet Turris, ita ut nihil omnino desit, requiruntur. Quasi dicat, Discipuli mei, monui vos aliquoties seriò, ut si me sequi velitis, patrem, matrem, & omnem consanguinitatem, immo, vitam vestram, non plus, sed minus, quam me ametis, quod est sanctè odiisse: voluntatem vestram abnegetis, judicium vestrum meo subdatis, CRUCEM opprobriorum & persequutionum bajuletis. Hæc non sunt facilia profecto, ut experimento discetis. Quocirca memineritis, vos esse debere Architectos, ad ædificandam Turrim perfectionis Evangelicæ destinatos. Est autem sapientis Architecti, rem tantam haud temerè aggredi, sed diu multumque considerare, num possit necessariis sumptibus sufficere. Quod nisi fiat, ludibrio se exponit transeuntibus, qui inchoatum cernentes ædificium Architecto fatuitatem exprobrant.

SED de hujus Parabolæ arcanis, tunc disseretur uberiorius, quum Religiosum peculiariter esse debere Architectum Christianum docebimus. Modò illud solummodo

modò subnecimus: Quemlibet, ut litterarum studiis,
& adquisitioni virtutis, & maximè perfectioni Evange-
licæ det initium, cui profectus, ac consummatio re-
spondeat, esse debere, ex Sapientiæ præscripto, Archi-
tectum minimè fatuum. Non oportere opus inchoare
incōsideratè, casu, temere, sed certâ animi destinatione,
præmissis virium experimentis, naturæ exploratogenio,
inclinatione mentis per pensa, pertentato facultatum
interiorum & exteriorum subsidio. Plurimum enim te-
fert, immò, omnino est necessarium, hæc & his gemit-
na perspecta habere, antequam alicui disciplinæ, cui o-
peram dabis, & in qua consenscere cogitas, te conse-
cres. Contra quod graviter peccatur à nonnullis rerum
inexpertis, qui decursis in Gymnasio artium, litterarum
spaciis, arrepto vitæ melioris proposito, sumpto etiam
nonnunquam vitæ religiæ indumento, vel nullos in
litteris, virtutumque studio progressus faciunt, vel non
multo post quām ferventer inceperunt, intepescunt, sæ-
pe etiam inchoata deserunt, & in media ædificatione
desistunt, cum intuentum ludibrio, & vitæ totius de-
decore. Quæ cauſa? temerè suscepta ædificatio. Non
omnes ex hominum genere apti sunt ad litteras addi-
scendas: ad stivam & aratum quidam facti fictique,
qui agricultores essent optimi: nonnulli ad artes servi-
les. & mechanicas videntur nati, nulla novcantis
naturæ injustitiâ, sed D̄EI, patris universalis, & ubique
optimi providentiâ, qui ita universo consultum voluit.
quid inepti nos, & divinorum ignari consiliorum con-
querimur, non sine noxâ? Isti autem præclari essent in
suâ tribu, sartores, futores, cerdones: in litterarum
studio vix sunt numerus: ideoque explorandum prius
fuisset ingenium, spectanda indoles, attendenda in
puero, ad hæc, vel illa peculiariis habilitas.

SIMILIS est ratio in virtutum cultu, ad quem omnes
sunt

sunt idonei. fateor. Sed non omnes ad eundem culturæ modum. Hinc tot à Sapientissimo rerum Moderatori in Ecclesiâ, vivendi, virtutemque exercendi, sunt apertæ Scholæ, tot constituta bonorum contubernia, Religiosorum familiæ, Ecclesiasticorum cætus, & statutus secularium; ut naturæ cujusque gratiæque divinæ consentanei elegantur. Hoc si negligatur, malorum deinde subsequentium est origo. Multos ad salutem sempiternam per venturos fuisse nullus dubito, si deserto seculo, in quo sine ulla, destatu vita, deliberatione, sibi degendum proposuerunt, ad Ecclesiasticorum ordinem se contulissent: plures, si inter Eccelesiasticos Religiosi esse voluissent. Nec tamen omnis Religio omnibus est conveniens. Magna est naturarum, complexionum, studiorumque diversitas: varia Religionum diversarum munia, ad quæ non omnes sunt idonei. Agamus paullo familiarius. Optimus, ô Tite, essem Carthusianus, solitudinis amans, ad silentium proclivis, à contemplationibus non abhorrens, natura subtristi, alienus à consortio multotum, & conversatione civili, ingenio mediocri, memoriâ vulgari, judicio tenui, pliculentis assuetus. Quid ad alium Ordinem religiosum aspiras, ubi multæ aliæ, & nonnullæ contrariae requiruntur dotes? Tibi ô Timothee, ut fias Capucinus, plane erit consultum: ad severiora te Deus vocat: natura favet, sunt vires corporis, adest animus, placet austertas, sacer ille horror, & saccus: linguam habes, quam ad Dei honorem, & animarum salutem, ut gladium & rhomphæam bis acutam exeres. quid moraris? quid molliorem eligis statum? vide ne te tandem cæpti peniteat.

UELLES, ô Damiane Societatem Jesu ingredi, in eâ vivere, & mori: appludo. Sed vide, num signa in te deprehendas Religiosi Societatis Monachum, ut ha-

habet vulgaris paræmia, non facit cappa & scapulare: nec Clericum Crux in pileo, aut talaris toga. Posset-ne tu cuicunque nullo scientiæ, prudentiæ, humanitatis intuitu, sed solammodo, quia est Superior legitimus, tanquam Christo, judicium æquè tuum ac voluntatem subdere? Posset-ne ad obedientiæ nutum per mare, per terras, per inhospitalem Caucasum, ad Garamantes, Indos, lapones, non alio quam bonæ spei viatico, unius animæ lucrandæ desiderio excurrere? Posset-ne vinus & sanus, cadaveris instar, aut scipionis in manu herili, verti, inverti, gyrari, nullâ datâ caussa, & sine refragandi murmurandique indicio. Velles-ne in Collegii habitaculum vilissimum amandari, ibidemque nulla mutationis spe datâ consistere? Velles-ne prompte pro Christi gloria contumelias quaslibet suscipere, inter Orbis quisquilias, pauperes agere, ægros, leprosos, elephantiacos, in nosocomiis, & gurgustiis, intersceleratos in carceribus, triremibus, ergastulis; immò, sub patibulo in scalis, in catasta ad flammarum, in ferali theatro cum carnifice? illiusque officii nullum in hac vita præmium expectare? Hæc & similia sexcenta, sunt Ordinis nostri insignia, & horum cupiditas est documētum, an quis ad hanc Sapientiæ classem sit idoneus. Cetera appendices sunt, & remotæ quædam conditiones, non simpliciter necessariæ, faciunt tamen aliquidad bene esse, quemadmodum loquuntur Philosophi: ut excellens ingenium, exquisita doctrina, eruditio, & his gemina; sine quibus optimi esse possunt Religiosi in Societate Jesu, sine aliis superius indicatis nequaquam. Quæ quidem volenti cum divina gratia, & amanti sunt facilia: verbosolum & specie terrent inexpertos: & sonitus ac umbra metuitur, ut larva à pueris, & è fistula bombus.

Quod de Religioso statu dictum: ad alia quoque transferendum est. Vis fieri Consiliarius Princi-

pis?

pis? Vide num tantum scientiæ prudentiæque tibi suppetat? Vis esse Judex. Proba, an à personarum acceptione sis alienus? num possis irrumpere iniquitatem virtute tua: ne forte extimescas faciem potentis, & ponas scandalum in equitate tua Eccl. vii. 6. Vis esse Doctor? attende, num præter libros habeas, quo titulum tueri possis: ne dicatur: *Salvete libri sine Doctore.* Denique sit universale ex Architectura enunciatum. Si vis Turrim ædificare, prius sedens computa sumptus, qui necessarii sunt, si habeas ad perficiendum: pertenta robur tum corporis, tum animi, an par futurus sis ferendis laboribus & periculis: nihil improvidè, nihil temere aggrediaris.

ARTICULUS III,

ARCHITECTUS CHRISTIANUS

Sit oportet Auditor & Factor bonus Sapientia.

QUID magis proprium est Sapientiæ Christianæ Amatoris, quam ut non solum audiat Sapientiam docentem, sed etiam obaudiat præcipienti? non sit tantum Auditor verbi, sed & Factor? Est enim Sapientia Christiana non Theorica solum, quæ nuda contemplatione contenta, sed practica etiam, quæ opus ipsum spectat. Quod omni Scientiæ morali convenire docuit Philosophus. Non erit autem unquam mandati exequitor, ut debet Sapientiæ cultor, nisi sit Architectus. Fallere me vos non sinit Æterna, cuius interpretem hic ago, Sapientia. Mecum sentieris sat scio, si in mentem vobis veniat monitio, quam Christus ad auditores suos habuit, Matthæi vii. Ut sibi caverent à falsorum Prophetarum impia doctrina & veritati, quam ipse præ-